

Ministarstvo unutrašnjih poslova Kantona Sarajevo, UPRAVA POLICIJE, ulica La Benevolencija broj 16, koju zastupa policijski komesar Generalni inspektor policije Fatmir Hajdarević (u daljem tekstu: Ugovorni organ)

i

BH Telecom d.d. Direkcija Sarajevo, Zmaja od Bosne 88, ID: 4200211100005, koga zastupa direktor Edin Kano, (u daljem tekstu: Dobavljač)

zaključili su:

UGOVOR O NABAVCI USLUGA PRIJENOSA PODATAKA – KORPORATIVNI PRISTUP

Član 1.

Predmet Ugovora je nabavka usluga prijenosa podataka – korporativni pristup za potrebe Uprave policije Ministarstva unutrašnjih poslova Kantona Sarajevo, i to:

1. Mjesečno za APN#1:

Pretplata za uslugu Korporativni pristup (IPsec protokol/bez IPsec protokola) – 1

Pretplata po kartici za prijenos podataka – 5

Ukupan paketski saobraćaj za 5 SIM kartica od ukupno 150 GB mjesečno uz aktiviranu „Shared pool“ opciju – 1

2. Mjesečno za APN#2

Pretplata za uslugu Korporativni pristup (IPsec protokol/bez IPsec protokola) – 1

Pretplata po kartici za prijenos podataka – 120

Ukupan paketski saobraćaj za 120 SIM kartica od ukupno 500 GB mjesečno uz aktiviranu „Shared pool“ opciju – 1

Nabavka je izvršena putem direktnog sporazuma, na osnovu odluke broj 02-11-4-477/26 od 16.01.2026. godine.

Ponuda Dobavljača broj: 08.22-22-5740/26 od 23.01.2026. godine je sastavni dio ovog Ugovora.

Član 2.

Ukupna vrijednost ovog ugovora iznosi 5.838,00 (pethiljadaosamstotinatridesetosam i 00/100) KM bez PDV-a.

Dobavljač se obavezuje da se cijene iz Ponude neće mijenjati do isteka ovog Ugovora.

Član 3.

Korištenje Korporativni pristup usluge uključuje uspostavu VPN grupe sa DATA GSM priključcima, kojima za IP komunikaciju putem GSM/UMTS mreže, je/će biti dodjeljen poseban APN (Access Point Name) i svakom priključku zasebna statička privatna IP Adresa. Integracija saobraćaja sa SIM kartica prema IP mreži Ugovornog organa bit će realizovana podizanjem Ipsec tunela protokola koji će omogućiti i komunikaciju u oba smjera na relaciji Server (Dobavljača) - Ugovorni organ, te komunikaciju prema željenim aplikativnim serverima i bazama podataka.

Dobavljač ima odgovornost za zaštitu i integritet podataka koji se generišu i razmjenjuju na ovaj način.

Član 4.

Dobavljač se obavezuje da će usluge iz člana 1. ovog Ugovora pružati tokom cijelog perioda važenja ovog ugovora.

Član 5.

Dobavljač je dužan blagovremeno pružati ugovorene usluge iz člana 1. ovog Ugovora po profesionalnim, stručnim i uobičajenim standardima koji važe za vrstu usluga koje su predmet nabavke.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ukoliko se konstatuju određeni nedostaci u kvalitetu ili kvantitetu izvršenih usluga sačiniti će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti proračunata zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 6.

BH Telecom se obavezuje da će omogućiti Ugovornom organu neometano korištenje elektronskih komunikacijskih usluga iz člana 1. ugovora kao i usluga koje su u vezi s predmetom ugovora u skladu sa Opštim uslovima za pružanje elektronskih komunikacijskih usluga, Specifičnim uslovima, Cjenovnikom dobavljača koji su dostupni putem službene web stranice BH Telecoma, a čija primjena se ugovora u odnosu na sve što nije regulisano ovim ugovorom.

BH Telecom se obavezuje da će elektronske komunikacijske usluge iz člana 1. pružati na kvalitetan način i s pažnjom dobrog privrednika.

BH Telecom se obavezuje da svojim ponašanjem i aktivnostima neće povrijediti tajnost podataka, poruka i dokumenata kojima raspolaže Ugovorni organ.

Član 7.

Plaćanje se vrši u mjesečnim iznosima, u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun Dobavljača.

Uredno izvršenje usluge mjesečno potvrđuju nadležne organizacione jedinice: Kriminalističko obavještajna jedinica Sektora kriminalističke policije i Odjeljenje za videonadzor Sektora uniformisane policije kao ovlašteni predstavnici Ugovornog organa.

Član 8.

U mjesečnu naknadu po priključku je uračunato 50 SMS poruka. Svaki naredni ostvareni SMS se naplaćuje u iznosu od 0,05 KM po SMS-u.

Član 9.

Svaka od ugovornih strana može jednostrano raskinuti Ugovor i prije roka određenog za njegovo ispunjenje ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja strana izjavi da svoju obavezu neće ispuniti. Svaka od ugovornih strana može raskinuti Ugovor zbog toga što neka od ugovornih strana svoje obaveze ne ispuni ni u naknadnom prihvatljivom roku za ugovorne strane. Ugovor se ne može raskinuti zbog neispunjenja neznatnog dijela obaveze. Kao neznatno ispunjenje obaveze smatrat će se ono neispunjenje koje bitnije ne otežava ostvarivanje svrhe ovog ugovora. Izjava o raskidu Ugovora daje se pismeno. Ugovorna strana koja je osnovano raskinula Ugovor ima pravo na naknadu štete prema opštim pravilima obligacionog prava o naknadi štete.

Član 10.

Na ostala prava i obaveze ugovornih strana, koja nisu regulisana ovim Ugovorom, primjenjivat će se odredbe Zakona o obligacionim odnosima.

Član 11.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 12.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 13.

Ugovor stupa na snagu danom potpisivanja ovlaštenih predstavnika i traje do realizacije ugovorene vrijednosti i ugovorenih obaveza ugovornih strana, a primjenjuje se od dana 01.01.2026. godine.


DOBAVLJAČ
BH Telecom d.d.
Direkcija Sarajevo

Direktor
Edin Kapo


UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj: 1102-10-391126
Datum: 1-02-2026

Broj: 02-11-4-477-3/26
Datum: 30.01.2026. godine